

In allen theilen des Schützen / ist ein Todtschläger / helt waffen / vnd ist bereyt zu zanken.

In allen theilen des Steinbocks / ist arm / bloß / müd / schwach / schadhaffter glieder.

In allen theilen des Wassermans / ist ein Astrologus / weiffager / Geomanticus / vntersieht sich träum aufzulegen / vnd weiffagen.

In allen theilen der Fisch / ist schön / scharpffinnig / verstendig / schöner Kleyder / vollkommen am leib vnd glieder / rein / ehrllich / vnd hurtig.

Das fünffte Capittel.

Von der bedeutung vnd wesen der liechter / wann sie der zeit der reuolution fürstehen.

Emansor im erstē theil seiner rede / spricht / das die liechter / als Sonne vnd Mon / nach Gott dem Allmechtigen auff Erden / die gröste gewalt haben / vnd durch ire wirckliche wesenheit / als die oberste körper / die vnderste vnd irdische regieren. Derhalben ich auch am ersten von den liechtern / der Sonnen vñ des Mons / schreiben will / was sie ein jedes bedeüte / wann sie der zeit Herren seind / darinn die reuolution geschicht / auch von der bedeütung ihrer befinsterung.

Die reuolution wirt geheissen ein jedes jar anfang / welches geschicht / wann die Son den ersten puncten widerumb erreicht / darauf sie gangen ist / nemlichen auf dē zeichen / grad vñ minuten / darinn sie anfenglich gestanden